



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

## DEUTUNG DER MESSGEBRÄUCHE.

GEDICHT DES ZWÖLFTEN JAHRHUNDERTS.

- 132<sup>b</sup> **N**v mac der man als gerne eine zeware.  
 uaren zō den ewigen genaden.  
 sam daz er uolge dem gesellen.  
 der in uerlaitet zō der helle.  
 der ime nimmer geseit. 5  
 die rehten warheit.  
 wan daz er ime uor gelichsenot.  
 er wil in leiten in den tōt.  
 als ōch der uogelære tōt.  
 der machet uz deme rīse sinen hōt. 10  
 uñ recchet uil līse.  
 den chloben uor deme rīse.  
 mit harinen snōren.  
 er wiruet ōch da michel ungeuōre.  
 die ōch gesizzent an den chloben. 15
- 133<sup>a</sup> **D**ie werdent uil dicke betrogen.  
 er ziuhet si hin in da.  
 uñ enthōbetet si iēsâ.  
 sinen gratten er si gît.  
 dauffe lit ein uberlit. 20  
 same uert ez umbe die alle.  
 die betrogen werdent zō der helle.  
**D**o horte ich ōch wilen wol sagen!  
 daz scol man uns niht uerdagen.  
**M**an scol div mergriezzer. 25  
 uur div swîn niht giezzen.  
 si niezzent ir niht. daz ist wâr.  
 si behorgent si auer uil gar.  
 iht mer hilfet.  
 daz man den brideget. 30

19. gratten] kratte der korb.      20. überlit der deckel, Schmel-  
 ler 2, 438 f.

	der darumbe nine töt.	
	wan daz er bespottet gotes wort.	
	der bezeichnenot daz swin.	
	sin lôn. möz dester boser sîn.	
	swer da sprichet daz göt!	35
	uñ div werch nine töt.	
	dem sprichet unser herre.	
	uñ ureisliche sere.	
	er reuellet harte.	
	mit sîn selbes worten.	40
	swer auer reit daz göt.	
	uñ div werch dazö töt.	
	unze an sîne iungeste stunde.	
	der hat alle sine nôt überwunden.	
	der hat alle sîn arbeite!	45
133 <sup>b</sup>	wol geleitet.	
	er ist öch ein uñ salic man.	
	daz er ie an dise werlt bequam.	
	Nune mac ich uor minen sunden.	
	neheine göte rede chunden.	50
	der heil̄ geist enware	
	min scermare.	
	uñ enwolte mich behöten.	
	uon den meintaten.	
	daz er mir durch sine göte.	55
	gab deumöte.	
	warhafte minne	
	in min herze.	
	daz miniv wort waren	
	getriv. uñ geware.	60
	so mohte ich urlob haben	
	ze dem aller hersten man.	
	umbe eine rede göt.	
	die man uñ diche uor töt.	
	umbe die uñ misliche varwe.	65
	da die briestere stent garwe.	
	uor dem altare.	
	wie dvrft uns des ware.	
	daz wir daz rehte behielten umbe die uarwe.	

	waz sie bezeichent so garwe.	70
	des ist mir chunt ettwaz.	
	dvrch die waren minne wil ich iv sagen daz.	
	nu uerlihe iv christ der rîche.	
	daz ir ez uernemet wislichen.	
134 <sup>a</sup>	uñ nemet ez uaste in iuern môt.	75
	wan div rede wirt uil gôt.	
	ez trifft an die misse ettiwaz.	
	ir scult ez uernemen deste baz.	
	Ez ist umbe misse also gewant.	
	sî machete unser herre selbe der heilant.	80
	mit simme heil sinne.	
	uñ machete ôch darinne.	
	sinen heren lichenamen unde sin uil heil plôt.	
	uon div ist div misse uil gôt.	
	uñ sprichet ôch durch sin selbes munt.	85
	swer zô der misse chumet.	
	mit andahtlichen môte:	
	sî wirt ime wol ze göte.	
	begriffet in des tages der tôt.	
	div misse hilfet ime uzzer nôt.	90
	so wir uur unseren lieben herren gân.	
	wider des hulden wir haben getan.	
	er ist uil gewaltec uñ uil rîche.	
	sone sculn wir niht chomen hochuerteclichen.	
	wan er ist an dem willen.	95
	er wil die hochuertigen alle uellen.	
	Durc unser ungezvhte.	
	bestet uns manec gesuhte.	
134 <sup>b</sup>	wellen wir durch sinen willen!	
	daz unreht an uns niht stillen.	100
	so wirt unser ettelicher dar geslagen.	
	da er neheinen trost darf haben.	
	daz er immer mêre.	
	gesehe sinen lieben herren.	
	wellen wir die christenheit begân.	105
	so sculn wir gedultecheit uñ deumôte haben.	
	daz hat uns uor gebildot.	
	der alwaltende got.	

# DEUTUNG DER MESSGEBRÄUCHE.

273

	wie scolten wir aber si began.	
	wan die ez an den böchen sehent stân.	110
	uñ uil rehte sehent wie ez quut.	
	an dem böche daz uor in da lît.	
	der neheiner keret daran sinen môt.	
	daz ime sî nuzze oder göt.	
	Die uns zehirte sint gegeben.	115
	die solten kuslichen leben.	
	öch solten wir in uolgen nach.	
	der selben chunste daz ist war.	
	wan die hirte.	
	daz sint die ewarten.	120
	uñ heizzent die ewarten.	
	dauon daz si div kint bewarten.	
	daz der töfe mit mangeme göten segene.	
135 <sup>a</sup>	die da zô sint gegeben.	
	mit den heiligen gotes worten.	125
	si uertribent uo <sup>1</sup> uns den leiden widerwarten.	
	uñ töfent uns mit ulizze.	
	unser uarwe was . ê. wîzze.	
	sie heizzent uns chomen lutterlîch.	
	uur den heren chunec.	130
	wir waren uon unseren sunden geborn.	
	unser uînt. hat uns uerlorn !	
	wir waren gote uil lieb.	
	unser uînt wesse unser niht.	
	ê. daz ich uil arm man.	135
	so maneger sunden began.	
	an den selben stunden.	
	heten si mich uunden.	
	si uarten min genote.	
	urô uñ spate.	140
	uñ rieten mir. îe mêt uñ mere.	
	swaz so si mohten zubele.	
	min hêrez oleuaz.	
	mit eittere uulten si daz.	
	si guzzen darin. haz uñ nît.	145

111. l. ez quit, *es heißt, dicitur. vergl. J. Grimm, gr. 4, 53.*  
Z. F. D. A. I. 18

- daz ist daz aller wirsiste lieht.  
 ich ensprich ez umbe unsech alle [niht].  
 ich bin uil dicche geuallen.  
 uñ sint mir wol chunde.  
 mine uerschwenden. 150
- 135<sup>b</sup> iedoch moht ich geheilegot werden.  
 in dem salze der erde.  
 Die briestere heizzent sal terre.  
 beginnent si der rehten ewe.  
 so der briester wirt gewihet. 155  
 so ist er gote uil lieb!  
 so wil er zware.  
 in haben zeimme gewinnare.  
 sinen uil heren amman.  
 wol in der si geren chan. 160  
 Ein chorter wirt ime danne beuolhen.  
 er sol sehen. daz im deheinez daruz werde uerstoln.  
 uñ trage zallenstunden.  
 daz honec in dem munde.  
 uñ gebe in salz sōzze. 165  
 so sōchent si sine uōzze.  
 uñ obe sich einez dicche.  
 uon den anderen gescicche.  
 so habe er des lewen mōt.  
 uñ mache ez uil wnderen gōt. 170  
 uñ habe ez in siner hōte!  
 uñ uille ez mit siner rōte.  
 unze ime daz ōge.  
 einweder naz werde.  
 uon den trahenen. oder uon dem blōte. 175  
 so ist er sin meister gōter.  
 damit sol er sî alle.  
 bringen zō dem stalle.
- 136<sup>a</sup> Der stal. bezeichent die christenheit.  
 wol in der darinne bestet. 180  
 Den er denne niht mac bedwingen.  
 noch zō den anderen bringen.

# DEUTUNG DER MESSGEBRÄUCHE.

273

daz möz er gar lazzen uarn.  
daz chumet nimmer in abrahames barn.  
daz hat sich so gesunderot. 185  
daz nimet der wolf durc nôt.  
Die mislichen varwe!  
seit iv niaman garwe.  
daunon wil ich ein teil sagen.  
ob ich es urlob habe. 190  
Ez sint zwo uarwe wol getan!  
die der briester an im sol haben.  
im ist blatte gescaffen.  
da mit zeichent man in zeinem phaffen.  
div blatte heizzet chrone. 195  
die sol er behöten scone.  
chröne ist ime niht gebare.  
erne sî rihtare.  
hat er briesterlichen môt.  
so ist er rihtare göt. 200  
daz er die lappen treit.  
daz sol iv werden geseit.  
Div lappe ist gescaffen.  
zemanne dem phaffen.  
div bezeichent die kuscheit. 205  
div an im sol sin  
136<sup>b</sup> der zungen. in sinen munt.  
dannan im div göte rede wart chunt.  
wolten wir die minnen.  
in dem herzen darinne. 210  
uñ braitten, wolten wir si tragen.  
so mohten wir die lappen tragen.  
uñ mohten ez allez an uns haben.  
In die chirchen sol er gân.  
zaller uorderst sol er stân. 215  
er stat zalleruorderost.  
er ist unser leittere. uñ unser trost.  
wan er uns sol leitten.  
uz disen arbeiten.

204. l. ze manenne den ph.

206. l. diu an in sol sin geleit.

- So nimet er denne in sine hant 220  
 zalrerst einen champ.  
 er rihtet daz sin har.  
 ez sol ime ligen. daz ist war.  
 an daz har ist ez gezelt.  
 da ist ein anderz uzerwelt. 225  
 wir sculen hinder ime stan.  
 uil wole berihtet er uns daz ist war.  
 mit göter devmöte.  
 uor gote dem göten.  
 So heizzet er ime ein wazzer bringen. 230  
 so garwet er sich an daz singen.  
 als er daz wazzer enphahet!  
 uñ er die hende getwahet.  
 137<sup>a</sup> so wisscet. er si sâ.  
 uñ truchent sich danâch! 235  
 an daz wazzer ist ez gezelt.  
 ein anderez ist darûz erwelt.  
 wir sculn hinder ime stân.  
 uil wol gedwagen. daz ist war.  
 uzzen uñ innen. 240  
 unde obe an uns sî decheiner slahte ubel.  
 bediv nît. uñ haz.  
 abe uns wisscen wir daz.  
 So nimet er denne in sine hant  
 ein uil herlich gewant. 245  
 daz heizzet ein humerale.  
 min trohtin dâhte. waz daz ware.  
 damite chumet ime der scate. des heiligen geistes.  
 uil wol bedarf er des.  
 den leit er almitten ûf sînen hōbet. 250  
 niht uerrer ist ime erlōbet.  
 daz er div ôren darinne beleit.  
 daz sol iv werden geseit.  
 daz bezeichent daz siniv ôren.  
 nehein unreht sculen hōren. 255  
 noch siniv ōgen dar gesehen.  
 da er decheines unrehtes biiehe.  
 von div sol man den briester niht twingen.



DEUTUNG DER MESSGEBRÄUCHE.

277

- ze unrechten dingen.
- 137<sup>b</sup> uñ nemac er ez niht gemachen. göt. 260
- so kêre dan sinen môt.
- Daz humerale ist uil hêre.
- ez bezeichent noch mêre.
- da sint ane zwene gurtele lange.
- da mit er sich hat umbeuangen. 265
- da mit chnupphet er zesamene.
- die chûssce. uñ die tugent.
- also sculen wir daz humerale tragen.
- So sliufet er danne in ein gewant.
- daz heizzet albe. uñ ist lanc. 270
- unde ist genennet wîz.
- uñ ist geworeht in allen ulîz.
- uzzen unt innan !
- ist dehein ubel daran getân.
- daz nesol deheine wîs da bestan. 275
- Div albe. bezeichent den heil gelöben.
- der gelöbe ist auer uil göt.
- der div göten werc töt.
- der sich tages unde nahtes.
- ulizzet gotes rehtes. 280
- der ist wol gehelmet.
- uaste gehalsperget.
- der mac wol mit rehte.
- daz uolwic durch uehten.
- uolwic gelaisten ! 285
- wider den swarzen meister.
- 138<sup>a</sup> unde. mac âne wnden.
- wenden her umbe.
- her widere kêren.
- zô simme lieben herren. 290
- zô der himelisscen ierusalêm.
- wie mohte uns immer baz gescehen.
- Der gurtel ist also getân.
- der sol uns alle umbe uân.
- der gurtel heizzet daz reht. 295
- so garwet sich der gotes kneht.
- minneten wir daz rehte.

	wir hiezzen alle gotes chnechte.	
	Div stôle. ist lanc unde breit.	
	div umbe sinen hals get.	300
	div bezeichnen noch.	
	sante peters ioch.	
	do er dar in geweten was.	
	do er sanc un las.	
	der noch da inne geweten stêt.	305
	wie saleclichê der uur sich get.	
	almitten in deme wege.	
	daz er uns da mite zeichê gebe.	
	Nu sculn wir hôtten alle !	
	daz wir deweder halp uallen.	310
	diu stôle rô.	
	div bezeichnenôt.	
	den aller heristen win.	
	diu wizze daz prôt.	
	damit wir alle werden geuôrot.	315
138 <sup>b</sup>	Diu casula. div ime wole stet.	
	un in allen beuâhet.	
	damite wirt bezeichnenot.	
	Fides. Spes. caritas.	
	div ie mit gote was,	320
	die drî tugende.	
	haftent zesamene.	
	un machent stâte.	
	alle des mannes göttâte.	
	alse daz pflaster uil göt,	325
	die steine ander mûre tôt.	
	So nimet er den hantuanen.	
	so ist der herre wol gar.	
	so sint eruollot.	
	diu heil gotes wort.	330
	Der hantuane bezeichnen die gotes uart.	
	da diu helle berôbet wart.	
	un er die sîne alle.	
	lôste uon der helle.	
	er hiez si uarn zô den ewigen genaden.	335
	un hiez uns nach ime komen. dare.	

- Ein bilde er uns uor tröc.  
 da nach ware uns zenorscenne göt.  
 sin höbet neicte er zware.  
 uor dem heil altare. 340  
 da mite chunt er uns die göte.  
 daz got die deumöte.  
 an sich nam un gie.  
 da er daz here c'ce uant.  
 139<sup>a</sup> Vor dem gotes tiske er danne chniet. 345  
 siner sunden er begihet!  
 so zelt er sine schulde.  
 er sprichet herre la mich haben dine hulde.  
 unde uerlich mir.  
 daz ich mözze dienen dir. 350  
 daz tu an mir mözzest haben.  
 einen armen dienstman.  
 daz ich bote werde.  
 uon dem himele zō der erde.  
 un ōch helfare sî. 355  
 aller dirre menegî.  
 so hat er urlôbes gegert!  
 so ist got der in gewert.  
 Ein kiriel. er danne singet.  
 die alten .e. er uns bringet. 360  
 als er ze dem anderen mâle singet.  
 die niwen .â. er uns bringet.  
 Die lezzten list er danne sâ.  
 daz euuangelium darnâch.  
 als er daz euuangelium ane uahet. 365  
 der mit unzuhten da stât.  
 dem ware zeware alse göt.  
 daz er nacchent uiele in eine glôt.  
 wan daz sint gotes wort.  
 unde sint an uns eruollot. 370  
 Credo in unum. er danne singet.  
 den gelöben er uns bringet.  
 139<sup>b</sup> den sol kunnen. wîb. unde man.  
 der ie zerehter töfe kam.  
 daz er in spreche swa er sî. 375

- daz er da mite bewart si.  
 Ein bilde er uns denne töt.  
 daz ware uns zewizzenne göt.  
 daz er mit den armen gechrucet stât.  
 als die iuden unseren herren tâten. 380  
 So der herre sprichet . orate.  
 sone sculn wir niht entwellen mer.  
 wir sculn biten starche.  
 umbe den gotes ewarten.  
 umbe die misse die er singet. 385  
 daz er si uure mōzze bringen.  
 daz ez gote wol gezeme.  
 uñ uns genadeclichen wege.  
 So der herre alsus.  
 singet. sanctus. sanctus. 390  
 so gewinnet er nimmer mēre.  
 so manegen helfare.  
 daz er daz geturre lân.  
 er ne mōzze selbe daz here lob aneuân.  
 so helfent ime denne. 395  
 die heil engele.  
 uile gewislichen singen.  
 uñ daz lob uur got bringen.  
 Darnach neiget er  
 uur den alter sîn hōbet. 400  
 da mite chundet er uns die nôt.  
 140<sup>a</sup> daz unser herre was an dem chruce tôt.  
 uñ sîn heil geist gesegenot.  
 unde gewihet.  
 uon simme heil lichenamen sciet. 405  
 So der gotes ewarte.  
 sprichet lûte uñ harte.  
 Nob' q<sup>o</sup>; peccaf.  
 so chundet er uns alsus.  
 wie ein centurio sprac. 410  
 uil lûte do er die martere sach.  
 do wrden ertpibe.  
 umbe alle die werlt.  
 413. L. die werlt wite.

DEUTUNG DER MESSGEBRAUCHE.

281

- uñ brachen die umhehange.  
 die steine zerbrâsten. 415  
 div greber. sich ûf taten.  
 do erlasc div liehte.  
 div sunne. uñ der mâne.  
 wrden ir scîn âne.  
 ez wart allez uerwandelôt. 420  
 durc unsers herren christes tôt.  
 Ein töch ist scone. uñ breit.  
 daz wirt ûf den alter geleit.  
 got gesach den man.  
 der daz gêren chan. 425  
 daz ist ein corporale.  
 uñ bezeichnenot zeware.  
 daz uil heil gewant.  
 da man unsern herren in want.  
 do er uon dem chruce wart erhaben ! 430  
 uñ wart geleit zô dem grabe.  
 Daz man dar ûf sezcet. uñ leit.  
 140<sup>b</sup> daz ist urôde aller der christenheit.  
 Der chelech. der dar uffê stât.  
 der bezeichent daz gotes grab. 435  
 Div patène.  
 bezeichent . den stein!  
 der do wart geleit ûf daz grab.  
 da unser herre inne lac.  
 In den chelech giuzzet er den wîn. 440  
 der scol aller herest sîn.  
 daz er daz wazzet da zô tât.  
 daz geurôt uns allen den môt.  
 daz got den willen habete.  
 daz er uns zô ime ladete. 445  
 div zwei werdent da gesegenot!  
 daz dritte. ist ein brôt.  
 daz brichet er in driv.  
 heilic sint si elliv.  
 div zwei behaltet er sâ. 450  
 vil wole daz ist war.  
 Daz dritte sciuzzet er in den wîn.

- daz scol der hêre merôt sîn.  
 daz ist auer der merot. des unser herre gerete.  
 do er mit sinen iungeren merte. 455  
 Nu biten wir got den gouten.  
 daz er uns wol behôte.  
 uñ sinen geist uil heren.  
 daz er uns mözze leren.  
 die geistlichen bihte. wan dñ ist uil göt. 460  
 der si lutterlichen töt.  
 141<sup>a</sup> der sich siner sunden bechlaget.  
 uñ der niht verdaget.  
 sinen ewarten.  
 so heilent si harte. 465  
 ube er die bözze geleistet  
 die ime sîn meister beuilhet.  
 so mac er uil wole gan  
 den gotes lichenamen enphahen.  
 unde wil er des niht tön. 470  
 so kere dannan sinen môt.  
 oder er mac in also enphân.  
 alse iudas hat getan.  
 daz er wirt gestozen.  
 zô iudas genozzen. 475  
 uor deme gotes tisce er danne stet.  
 unze er daz sacrificium ûf heuet.  
 so sprichet er iesâ.  
 per omnia secula.  
 so sculen alle die sprechen Amen. 480  
 die durc got dare chamen.  
 Der pater noster. ist ein gebete uil göt!  
 so wol in der in eruollot.  
 der gerichet niemmer niht.  
 des ime zeleide gescihet. 485  
 alle sin schulde.  
 uergît er durc gotes hulde.  
 der mac saleclichen leben.  
 dem werdent ôch sine schulde uergeben.  
 zeware der des nine töt. 490  
 der hat ime selben geulôchot.

- An der misse geswiget er drîstunt.  
 141<sup>b</sup> da mite tût er uns kunt.  
 die drî tage.  
 die unser herre lac in dem grabe. 495  
 nach dem dritten tage.  
 erstönt er. uñ erscein sinen iungeren sâ.  
 in eimme gademe.  
 da si uor den iuden waren bespart.  
 do sprac der heil christ. 500  
 Pax uobis. miniv chint.  
 Der briester sprichet noch also.  
 des sculn wir immer wesen uro.  
 so sol einer dare gâhen.  
 den gotes uride enphâhen. 505  
 unde sol under die anderen teilen die minne.  
 swa er der niht uindet.  
 der sceidet uil gewisse.  
 dannan an die misse.  
 so ist uns uil wol gescehen. 510  
 so sin wir uersõnet under ein anderen.  
 so sculn wir da uil gezogenlichen stân.  
 unze urone segen werde getan.  
 so mugen (wir) wol urlop han.  
 uñ urolichen dane gân. 515  
 so uasten uñ uiren.  
 als man uns gebivtet.  
 unsers zehenden uñ unsers almōsenes.  
 ioch des gebetes.  
 sculen wir ulizzeclichen phlegen. 520  
 Da mite sculn wir alle chomen.  
 142<sup>a</sup> zô der himelisscen ierusalem.  
 zô den himelissen genâden.  
 dar helfe uns got. Amen. 524

*Vorstehendes gedicht befindet sich in der Münchener hs. cod. germ. 39 mitten unter einer sammlung deutscher predigten, wo es, obwohl die hs. schon hie und da benutzt wurde, dennoch unbeachtet geblieben ist, wahrscheinlich weil es, mit fortlaufenden zeilen geschrieben, sich äußer-*

lich nicht von den predigten unterscheidet. die hs. stammt aus Benedictbeuren (iste liber attinet monasterio Benedictenpewren steht auf den innenseiten der deckel und mehrmals auf den rändern der blätter von einer hand des 15n jh.) und scheint nach schrift und sprache zu urtheilen dem anfang des letzten drittels des 12n jh. anzugehören. sie umfaßt gegenwärtig noch 178 pergamentblätter; zwischen dem 163n und dem 164n blatte fehlt eine lage und zwischen dem 3n und dem 4n fehlen 2 blätter, das innerste doppelblatt der 1n lage. es lassen sich 3 verschiedene hände unterscheiden: die erste reicht von blatt 1—14, 34—41 und 44—83, die zweite von bl. 15—33, 42 und 43. die blätter 84—178 sind von einer dritten hand geschrieben, die aber ihre eigenthümlichkeit allmählich verändernd gegen das ende zu fast riesiger größe anwächst. auf bl. 1—3 stehen die beichtformeln u. s. w. die Maßmann in seinen kleinern sprachdenkmälern (vor ihm schon Docen in den miscellaneen) abdrucken ließ; gegen das ende folgen kurze anreden, ermahnungen u. s. w.; auf dem 154n—159n blatte steht eine, jedoch verkürzte übersetzung des sermo de sexagesima von Honorius solitarius, s. dessen speculum ecclesiae sive sermones aliquot evangelici u. s. w. Köln 1531. 8. bl. 53<sup>a</sup>—59<sup>b</sup>. — die blätter 4—132 enthalten die eigentlichen predigten (sermones diversi in vulgari, wie die aufschrift auf der außenseite des vorderdeckels angibt), auf die sich im allgemeinen das anwenden läßt, was Leyser in s. pred. s. xiv über die predigten dieses zeitraumes sagt. dessenungeachtet haben sie im einzelnen vor den schon bekannt gemachten manches voraus und bieten in sprache und inhalt der eigenthümlichkeiten viele die eine herausgabe wohl zu rechtfertigen vermöchten. zur bestätigung des gesagten theile ich einige aufs gerathewohl herausgegriffene dieser predigten mit, deren erste zufällig die sieben eigenschaften der taube aufzählt, die oben s. 155 nicht nachgewiesen werden konnten.

München, 8 mai 1841.

FRANZ PFEIFFER.